



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Nucleus Casuum Conscientiæ Sive Brevis Notitia Eorum  
quæ scitu vel necessaria, vel valde vtilia sunt  
Confessarijs in primo ingressu ad audiendas Confessiones**

**Agostini, Giuseppe**

**Coloniae Agripp., 1644**

De Sacramento Confirmationis.

**urn:nbn:de:hbz:466:1-41767**

---

DE SACRAMENTO  
Confirmationis.

*Materia, Forma, & Definitio.*

1 **H**Oc est secundum Sacramentum, in quo etiam imprimitur Character, atque adeo est irreiterabile, per quod homo corroboratur in Fide, & veluti adscribitur militiae Christi ad fortiter Fidem defendendam, si oportuerit, coram Tyranno, & inimicis Fidei: hic est enim proprius eius effectus, præter gratiam sanctificantem communem omnibus Sacramentis: de quo pauca quædam occurrunt dicenda.

2 Materia remota huius Sacramenti est Chrisma, quod componitur ex oleo oliuarum, & Balsamo, & consecratur ab Episcopo consecrato, neque est materia apta sine consecratione. Vtrum autem Balsamum sit de necessitate huius materiae; probabilior sententia est, esse; omnes tamen conveniunt esse

esse de præcepto sub mortali, sicuti etiam est necessarium necessitate præcepti ut Chrisma sit nouum, id est eiusdem anni in die Cœnæ confectum, nam vetus comburitur, licet hoc non sit de necessitate Sacramenti. Materia verò proxima est unctio talis Chriſmatis facta ab Episcopo pollice manus dexteræ per modum Crucis in fronte suscipientis: quæ unctio debet esse sensibilis, ut diximus de ablutione in Baptismo.

3 Forma huius Sacramenti consistit in illis verbis prolatis ab Episcopo dum ungit, nempe, signo te signo Crucis, & confirmo te Chriſmate salutis in nomine Patris, & Filij, & Spiritus Sancti amen, circa quam eadem fere aduertenda sunt, quæ diximus in forma Baptismi: ex quibus colligi potest ita defini posse Confirmationem. Est Sacramentum, in quo Episcopus, Chriſmate consecrato, ungit baptizati frontem sub certa verborum forma ad Fidem viriliter profitendam coram Fidei inimicis: ponitur illa particula, baptizati, quia Confirmatio exigit Baptismum, alioqui nulla est. Solet etiam hoc

Sacramentum dici Chrisma, seu Sacramentum Chrismatis, propter Chrisma prædictum.

*Minister, & subiectum.*

4 **O**rdinarius huius Sacramenti Minister est Episcopus: præterea probabilior sententia est simplicem Sacerdotem posse illud conferre ex commissione Summi Pontificis: nam Episcopus nulli delegare potest: & quamuis possit Episcopus quoscunque baptizatos confirmare, validè quidem, at non licitè, nisi suæ Diœcesis, & in sua Diœcesi; alienos vero, & in alterius Diœcesi ex licentia proprij Episcopi. Et quidem locus communiter est Ecclesia, quamuis possit etiam cõferri extra Ecclesiam, ut Episcopo videbitur.

5 Subiectum capax huius Sacramenti est quilibet baptizatus etiam ante usum rationis, quamuis sit amens, aut moriturus, ut diximus de Baptismo. Communiter apud nos non confertur ante septennium: sed in hoc seruari potest usus approbatus cuiusque Ecclesiæ.

Requi-

Requiritur in suscipiente, vt sit in gratia: quod si habeat conscientiam peccati mortalis; vel confiteatur, vel conteratur, vt existimet se esse contritum: & idē dicendum est de conferente. Probabile item est hoc Sacramentum non esse per se necessarium ex præcepto: nisi forte quando videtur necessarium ad profitendam Fidem coram Tyranno: relinquere tamen illud ex contemptu, esset mortale.

## Ritus.

6 **H**abet etiam hoc Sacramentum suas ceremonias non omittendas sine causa: de quibus legite Catechismum *Tridentinum* de hoc Sacramento, & *Bellarmin.* tom. 2. de hoc Sacram. cap. 13. *Suarium disp.* 37. *sec.* 1. & habetur in Pontificali Romano. Requiritur etiam in illo Patrinus, vnus, vel vna tantum, & contrahitur cognatio spiritualis: de qua infra de Matrimonio. Patrinus debet esse confirmatus, & non idem, qui fuit in Baptismo extra necessitatem, nec vir vxoris, vel è contra, nec consanguinei in primo gradu. Monentur etiam Episcopi

in Trident. sess. 23. cap. 4. vt nulli conferant ordines nisi sit confirmatus, licet validè conferri possint sine Confirmatione: nec videtur ibi contineri præceptum sub mortali. Habent etiam Episcopi grauem obligationem conferendi hoc Sacramentum suo tempore, pro vt illis prudenter videbitur: aut curare, vt ab aliquo alio Episcopo conferatur: & potest conferri etiam tempore interdicti.

---

## DE SANCTISSIMO Eucharistiæ Sacramento.

### *Definitio, & Essentia.*

**I** Sanctissimum Eucharistiæ Sacramentum, quod est finis, & perfectio omnium Sacramentorum; rectè dicitur Sacramentum Corporis, & Sanguinis Christi: essentialiter enim consistit in speciebus Panis, & Vini consecratis cum reali, & vero præsentia Corporis, & Sanguinis Christi Domini existentis